



Arkivnr: 2014/22562-7  
Saksbehandlar: Stig Aasland, Monica Håkonsli

## Saksframlegg

### Saksgang

Utval	Saknr.	Møtedato
Yrkesopplæringsnemnda		04.02.2016
Utval for opplæring og helse		10.02.2016
Fylkesutvalet		24.02.2016
Fylkestinget		08.03.2016

## Plan for kompetanseutvikling. Strategi 2016 - 2020. Tiltak 2016/17

### Samandrag

Den strategiske planen for kompetanseutvikling er opplæringsavdelinga sitt styringsdokument for arbeidet med kompetanseutviklinga i vidaregåande opplæring i åra som kjem. Strategisk plan blir utarbeidd for ein periode på fire år. Planen skal rullerast kvart år, og det skal utarbeidast årlege tiltaksplanar og budsjett som viser prioriteringar i lys av føringar i den overordna strategien og økonomiske rammer.

Opplæringslova § 10-8 seier at kommunar og fylkeskommunar, som skuleeigar, har ansvar for å ha riktig og naudsynt kompetanse på skulen. Ansaret tilseier at fylkeskommunane må ha eit system som gir tilsette naudsynt kompetanseutvikling. Kompetanseutviklinga skal vere systematisk og har som formål å fornye og utvide den faglege og pedagogiske kompetansen hjå tilsette med oppgåver knytt til elevane og lærlingane si læring og utvikling.

Utdanningssektoren i Hordaland fylkeskommune skal vere ein attraktiv arbeidsplass der læring, fornying og forbetring er ein naturleg del av kvardagen. Plan for kompetanseutvikling skal medverke til kontinuerleg kvalitetsutvikling for å nå fylkeskommunen sine overordna mål om auka læringsutbytte og fullføring. Planen viser sentrale kompetanseutviklingsområde og strategiar for ei langsiktig utvikling av kompetanse i skulane i Hordaland. Målretta og systematisk satsing på kunnskapsdeling og kompetanseutvikling skal sikre at HFK og den enkelte medarbeidar har rett og framtidretta kompetanse.

### Forslag til innstilling

Fylkesutvalet sluttar seg til fylkesrådmannen sine prioriteringar i *Plan for kompetanseutvikling. Strategi 2016-2020. Tiltak 2016/1.*

Rune Haugsdal  
fylkesrådmann

Svein Heggheim  
fylkesdirektør opplæring

*Saksframlegget er godkjent elektronisk og har derfor inga underskrift.*

### Vedlegg

1 Plan for kompetanseutvikling. Strategi 2016 - 2020. Tiltak 2016/17

## Fylkesrådmannen, 20.01.2016

### Plan for kompetanseutvikling 2016-2020. Strategi og tiltak 2016/17

Utdanningssektoren i Hordaland fylkeskommune skal vere ein attraktiv arbeidsplass der læring, fornying og forbetring er ein naturleg del av kvardagen. Plan for kompetanseutvikling skal medverke til kontinuerleg kvalitetsutvikling for å nå fylkeskommunen sine overordna mål om auka læringsutbytte og fullføring. Planen viser sentrale kompetanseutviklingsområde og strategiar for langsiktig og planmessig utvikling av kompetanse i skulane i Hordaland. Målretta og systematisk satsing på kunnskapsdeling og kompetanseutvikling skal sikre at HFK og den enkelte medarbeidar har rett og framtidretta kompetanse.

Planen skal bidra til:

1. Rett kompetanse
2. Høg fagleg og pedagogisk kvalitet i undervisninga
3. Å gjere Hordaland fylkeskommune til ein attraktiv arbeidsplass for tilsette i vidaregåande utdanningssektor

### Strategi for kompetanseutvikling

Det er viktig for Opplæringsavdelinga å skape arenaer for kompetanseutvikling og eit system for kontinuerleg og systematisk arbeid med kollektiv kompetanseutvikling. Ein av hovudstrategiane for dette er ulike former for nettverk. Fylkesdirektør opplæring vil frå hausten 2016 etablere fagnettverk innanfor ulike utdanningsprogram/fag. Fagnettverket skal bestå av lærarar, skuleleiarar, skuleeigarrepresentantar og eksterne representantar frå næringsliv og/eller høgskule/universitet og erstattar det tidlegare FAU-systemet.

Den nye innrettinga av fagnettverka skal sikre ei brei forankring i utdanningssektoren i HFK og vere ein arena for fremjing av fagleg kompetanseutvikling i fylket. Fagnettverka skal bidra til fagleg kompetanseutvikling innanfor ulike utdanningsprogram/fag i tråd med nasjonale og lokale føringar. Kompetanseutviklinga skal bidra til utvikling av undervisnings- og vurderingspraksis i faga der elevlar og lærlingar si læring står i sentrum.

Fylkesrådmannen ser det som ein sentral strategi for skuleeigar å legge til rette for læringsarenaer, og det vil også i neste strategiperiode bli lagt vekt på å utvikle nettverk og sikre møteplassar for relevant fagleg kompetanseheving og erfaringsdeling mellom personar frå ulike skular med same stilling/funksjon. Det gjeld til dømes skuleleiarar, rådgjevarar, elevinspektørar, m.m. Det har i inneverande strategiperiode blitt etablert nye nettverk/samarbeidsarenaer.

### Kompetanseutviklingsområde

I strategidelen av *Plan for kompetanseutvikling* peikar Opplæringsavdelinga på ni kompetanseutviklingsområde som skal leggast til grunn for utarbeiding av årlege tiltak:

- Pedagogiske kompetanseutviklingsområde
- Fagleg-pedagogisk kompetanse
- Leiing
- Samarbeid skule/bedrift
- Oppfølging av nytilsette
- Interkulturell kompetanse
- Rådgiving
- Spesialpedagogisk kompetanse
- Skulebibliotektenesta

### Finansiering 2016/17

Tiltaka blir finansiert ved hjelp av statlege midlar til kompetanseutvikling og midlar frå Opplæringsavdelinga sine budsjett. I dette er det ikkje rekna med eigeninnsats i form av faste stillingar ved Opplæringsavdelinga og skulane. Heller ikkje skulane sine vikarutgifter i samband med lærarane si etterutdanning er rekna med. Desse ressursane er betydelege. Det er lagt inn eigenbetaling frå skulane i samband med etterutdanning i regi av fagnettverka.

Statlege midlar til etterutdanning er midlar det har blitt søkt på til spesifikke tiltak. Det er krav om rapportering på bruk av desse midlane. I inneverande periode gjeld dette midlar til hospitering, fagkurs for yrkesfaglærarar og vurdering for læring.

Finansieringa av vidareutdanning gjennom *Kompetanse for kvalitet* er delt mellom statlege og fylkeskommunale midlar. Finansieringa er ei spleising mellom stat, skuleeigar og den enkelte lærar.

<b>Kostnader</b>	<b>Kroner</b>
Skulebasert kompetanseutvikling	700 000
Etter -og vidareutdanning	30 725 000
<b>SUM</b>	<b>31 425 000</b>

<b>Finansiering</b>	<b>Kroner</b>
Statlege midlar	17 720 000
HFK-midlar	13 705 000
<b>SUM</b>	<b>31 425 000</b>